

PROXECTO CTO. GALEGO DE NATACIÓN INFANTIL E JÚNIOR DE INVERNO

Tempada 2013 - 2014. Circular 13-19

1.- ORGANIZACIÓN, DATAS E SEDE.

1.1.- O Campionato Galego de Natación Infantil e Júnior de inverno celebrarase durante as datas e sede establecida no calendario de natación para a presente tempada.

1.2.- O Campionato Galego de Natación Infantil e Júnior celebrarase a nivel rexional en tres xornadas cunha sesión de tarde na primeira xornada e dúas de mañá e de tarde na segunda e terceira xornada.

1.3.- As sesións de mañá darán comezo ás 10:00 horas e as de tarde ás 17:30 horas.

1.4.- A piscina deberá estar a disposición dos equipos participantes polo menos dúas horas antes do inicio de cada sesión e media hora despois da súa finalización, así como o día previo ao Campionato en horario de tarde e previa solicitude dos clubs interesados ao clube organizador. Os nadadores teñen dereito a realizar o quecemento até 10 minutos antes de que comece a sesión.

2.- PROGRAMA DE PROBAS.

Xornada 1. Sesión de mañá.	Xornada 2. Sesión de mañá	Xornada 3. Sesión de mañá.
	9. 800 M LIBRE FEMININO 10. 50 M LIBRE MASCULINO 11. 50 M LIBRE FEMININO 12. 200 M BRAZA MASCULINO 13. 200 M BRAZA FEMININO 14. 100 M COSTAS MASCULINO 15. 100 M COSTAS FEMININO 16. 50 M BOLBORETA MASCULINO JUN 17. 50 M BOLBORETA FEMININO JUN 18. 4X200 M LIBRE MASCULINO INF 19. 4X200 M LIBRE MASCULINO JUN	28. 1500 M LIBRE MASCULINO 29. 50 M BRAZA FEMININO JUN 30. 50 M BRAZA MASCULINO JUN 31. 200 M COSTAS FEMININO 32. 200 M COSTAS MASCULINO 33. 4X100 M LIBRE MASCULINO INF 34. 4X100 M LIBRE MASCULINO JUN
Xornada 1. Sesión de tarde.	Xornada 2. Sesión de tarde.	Xornada 3. Sesión de tarde.
1. 400 M LIBRE FEMININO 2. 400 M LIBRE MASCULINO 3. 100 M BOLBORETA FEMININO 4. 100 M BOLBORETA MASCULINO 5. 200 M ESTILOS FEMININO 6. 200 M ESTILOS MASCULINO 7. 4X200 M LIBRE FEMININO INF 8. 4X200 M LIBRE FEMININO JUN	20. 200 M LIBRE FEMININO 21. 200 M LIBRE MASCULINO 22. 50 M COSTAS FEMININO JUN 23. 50 M COSTAS MASCULINO JUN 24. 200 M BOLBORETA FEMININO 25. 200 M BOLBORETA MASCULINO 26. 4X100 M LIBRE FEMININO INF 27. 4X100 M LIBRE FEMININO JUN	35. 400 M ESTILOS MASCULINO 36. 400 M ESTILOS FEMININO 37. 100 M LIBRE MASCULINO 38. 100 M LIBRE FEMININO 39. 100 M BRAZA MASCULINO 40. 100 M BRAZA FEMININO 41. 4X100 M ESTILOS MASCULINO INF 42. 4X100 M ESTILOS MASCULINO JUN 43. 4X100 M ESTILOS FEMININO INF 44. 4X100 M ESTILOS FEMININO JUN

3.- PARTICIPACIÓN.

3.1.- A presente normativa está destinada ás categorías:

- a) Júnior Masculino (Nacidos nos anos 1996 e 1997)
- b) Júnior Feminino (Nacidas nos anos 1998 e 1999)
- c) Infantil Masculino (Nacidos nos anos 1998 - 1999)
- d) Infantil Feminino (Nacidas nos anos 2000 - 2001)
- e) Nadadores con discapacidade funcional e/ou visual das anteriores categorías.

3.2.- A participación está aberta a todos os nadadores que acrediten ter realizadas as marcas mínimas asignadas. Para os nadadores con discapacidade funcional e/ou visual haberá unha soa marca mínima.

3.3.- Cada nadador poderá participar como máximo en catro probas individuais en todo o campionato e nas remudas. Os nadadores con discapacidade funcional e/ou visual só poderán nadar as probas indicadas no Anexo I.

3.4.- Non existe limitación en canto ao número de nadadores por clube e proba.

3.5.- Cada clube poderá inscribir un só equipo de remudas por proba sempre que teña acreditada a marca mínima, ben por suma de tempos de 4 nadadores en probas individuais, ou realizada nunha remuda con nadadores comprendidos nas categorías de referencia.

3.6.- Un nadador que non participe nunha proba para a que estea inscrito non poderá participar en ningunha outra na mesma sesión, agás se fose dado de baixa, segundo as normas do Art. 9 do libro IV do Regulamento Xeral da FEGAN.

4.- INSCRICIÓN.

4.1.- Realizaranse empregando a base de datos (modelo) correspondente á competición de que se trate e serán remitidas á Federación por correo electrónico. Xunto co devandito arquivo remitirase, no mesmo correo, a acta de preinscrición que o propio programa xera en formato PDF (preferible) ou DOC.

4.2.- As inscricións para cada un dos campionatos deberán obrar en poder da FEGAN 15 días antes do comezo da competición, sendo responsabilidade do clube que realiza a inscrición asegurarse de que foi recibida pola FEGAN.

4.3.- Deberán inscribirse tamén os nadadores que participen só en remudas, remitindo o impreso correspondente.

4.4.- Os nadadores con discapacidade realizarán a inscrición segundo o Anexo II da presente normativa.

5.- FÓRMULA DE COMPETICIÓN.

5.1.- Todas as probas serán disputadas contra o reloxo. [Nadaranse por separado as series das probas de categoría júnior e infantil.](#)

5.2.- Os criterios de puntuación para todas as categorías serán os seguintes:

a) Para puntuar será preciso referendar a marca mínima da proba.

b) Para a puntuación só se terán en conta como máximo dous nadadores por clube en cada proba individual, con independencia dos que participasen. Os clasificados despois non serán puntuados, corréndose o dereito a puntuación ao seguinte na clasificación que non sexa dese mesmo clube.

c) A efectos de clasificación final por clubs, só se terá en conta as 16 mellores puntuacións, tanto en proba individual como equipos de remudas.

d) A puntuación nas probas individuais será a que asigna a táboa FINA para cada marca. A puntuación dos nadadores con discapacidade funcionais ou visuais será a que asignan as táboas de compensación.

e) A puntuación nas probas de remudas será o dobre da que asigna a táboa FINA para cada marca.

f) A clasificación final virá dada pola valoración de táboa FINA e a táboa compensada para os nadadores con discapacidade.

5.3.- Para o cálculo da puntuación FINA, empregaranse os tempos base da táboa FINA do 2013, para a lonxitude da piscina (na que se celebra a competición).

6.- CLASIFICACIÓN.

As clasificacións por clubs faranse atendendo aos seguintes criterios:

- Total masculina infantil en probas individuais mais as remudas.
- Total feminina infantil en probas individuais mais as remudas.
- Total conxunta infantil. Será necesario ter competido en ámbalas categorías, aínda cando non se obtivese puntuación nunha delas. O clube que obteña maior puntuación será proclamado Campión Galego de Natación Infantil de Inverno.
- Total masculina júnior en probas individuais mais as remudas.
- Total feminina júnior en probas individuais mais as remudas.
- Total conxunta júnior. Será necesario ter competido en ámbalas categorías, aínda cando non se obtivese puntuación nunha delas. O clube que obteña maior puntuación será proclamado Campión Galego de Natación Júnior de Inverno.

7.- TÍTULOS E PREMIOS.

7.1.- Medallas aos tres primeiros clasificados por categoría. Medalla os tres primeiros clasificados nas categorías de discapacidade funcional e/ou visual segundo o criterio que figura nas normativas do Comité Paralímpico Internacional de Natación (IPC Swimming). (Pode descargarse a normativa desde a alínea de circulares da FEGAN)

7.2.- Trofeos aos clubs campións en cada unha das clasificacións indicadas no punto 6. Excepto para os nadadores con discapacidade funcional e/ou visual.

8. MARCAS MÍNIMAS

8.1.- Serán as indicadas na circular de marcas mínimas para a presente tempada para as categorías referidas ao presente campionato.

8.2.- A data a partir da cal se consideran válidas as marcas mínimas obtidas é o 1 de xaneiro de 2013.

9. NOTA FINAL.

No non previsto na presente normativa estarase ao disposto no artigo 10 do capítulo 3º do Título II do libro X do Regulamento General da RFEN, e no seu caso, ao disposto nas normas FINA.

A Coruña,
Secretaría Xeral FEGAN

ANEXO I

As probas e categorías nas que poden participar os nadadores con discapacidade funcional e/ou visual son:

50L	100L	200L	50E	100E	50B	100B	50M	100M	200S
S1-S13	S1-S13	S2-S13	S1-S13	S1-S13	S1-S9 S11-S13	S1-S9 S11-S13	S3-S13	S5-S13	S3-S13

ANEXO II

1.- A inscrición dos nadadores con discapacidade deberá de enviarse acompañada da FICHA DE VALORACIÓN FUNCIONAL na que se determina a clase na que están encadrados para cada estilo. No caso de non ter a ficha expedida pola FEDDF, deberán obtela, no seguinte centro:

FIMEGA

(Dr. Carlos Alonso Hernández)

Avda. Eduardo Pondal, 68 baixo (a 200 m da Estación de Autobús e Tren)

Pontevedra

Teléfono: 986868544

É preciso solicitar cita previa, especificando que é para unha valoración funcional para a Federación Galega de Natación.

O custo da valoración correrá a cargo do deportista.

Para facilitar a avaliación é conveniente achegar os informes de lesión, se se teñen.

2.- As marcas de inscrición, deberán terse conseguido en competicións oficiais, ben do calendario da FEDDF ou da FEGAN.

3.- Tanto no Campionato Galego como nas demais competicións da FEGAN onde participen, aplicarase por parte dos Xuíces e Árbitros da competición, as recomendacións contempladas no Manual de Árbitro de Natación (CNA) no apartado N.18 Nadadores Discapacitados

<http://www.fegan.org/cms/content/view/4/5/>

4.- No momento de tramitar a licenza de deportista, deberá advertirse que se trata de un nadador con discapacidade.